

Լատինաց : Եւ 'ի նմին տուր հանդերձեալ էր Լատին վարդապետն գնալ 'ի Բեթղեհէմ, և ազգ արար Հայոց, եւ նոքա առաքեցին զԴիոնէսիոս վարդապետն և զայլս Լատին վարդապետն յանդիմանէ զՓոխանորդ տեղւոյն, եւ նա ասէ՝ զամենայն ինչ խրատով եւ հրամանաւ ձեր արարի, եւ այժմ՝ ընդէ՞ր նշաւակէք զիս առաջի Հայոց եւ Ֆելլահաց, եւ բարկացեալ ել եւ գնաց յերուսաղէմ առ փոխանորդն իբր 'ի գանկատ : Լատին վարդապետն ասէ՝ ահա խռովայոյզ Փոխանորդն յանդիմանեալ 'ի մէնջ հալածեցաւ, եւ այլ ոչ եւս ունի դառնալ այսր : Ժամ է արդ կարգաւորել զխնդիրն : Ապա սկիզբն առնէ չոզոքորդ բանիւք յորդորել զՀայս դարձեալ բանալ զճանապարհն, և բանք յերկուստէք տեւեաց ժամս 2 . եւ 'ի վերջոյ չհանդուրժեալ Դիոնէսիոսի ասէ, միաբանք ձեր խենդութեամբ և բռնութեամբ ջանային, այժմ դու սիրով կամիս խափանել զեկեղեցիս մեր : եթէ դուք վասն միոց վայրկեանի անցանելոյ այդքան պնդէք 'ի վնաս մեր, որ հանապազ կանգնիմք աստ կատարել զհոգեւոր պաշտօնս մեր, որ տեղին մեզ յատկացեալ է, զի ասէք թէ սքանչանայն ժամանակի զեկեղեցին զայն ճանապարհ արարեալ եմք, բայց յորժամ պարապ էր առնէիք զայն, այլ այժմ հրամանաւ Արքայի և 'ի ձեռն ժողովոյ կալաք զիրաւունս մեր ըստ բնականին, միթէ հնար է այժմ եւ առնել, որպէս առնէիք յառաջ, զի ասէք թէ միաբանք մեր են յայլ և այլ ցեղէ, և իւրաքանչիւրն, զայլ և այլս պատճառելով յարուցանեն վէճս և կռիւս, միթէ միաբանք Հայոց չիցե՞ն այնպէս, եւ այլ սոցին նման բանք բազումք : Եւ իջեալ յեկեղեցին զտին զտեղին արդարեւ անպատեհ և վնասակար Հայոց : Բայց նոքա յամառեալ աղաչէին առնել ըստ կամաց նոցին, որով չմնայր տեղի կանգնելոյ ուխտաւորաց և կարգաւորացն Հայոց, ուստի յորդորեցին զԼատինս յետս կալ 'ի խնդրոյն յայնմանէ, այլ կարգաւորք միայն անցցեն 'ի վերայ սփռոցաց, իսկ ժողովուրդքն 'ի նշանադրեալ ճանապարհէն : Այսպէս մնաց խնդիրն մինչ 'ի գալուստ Յրա Մանուէլի, բայց ներքին դիտումն նոցին էր գրել 'ի Կոստանդինուպօլիս, որպէս գրեաց զայս ամենայն թէ ոգորոս Պատրիարք առ գլխաւորս ազգին :